

非應捕人擒獲強盜陞賞原犯死罪充軍逃向
為盜為非者仍照原問處決

成化二十二年十一月二十五日都察院右副都御史邊
等為禁約事於

奉天門早

朝欽奉

聖旨近城內外及真保定德州臨清東昌等處盜賊縱橫
劫財傷人巡捕守備官校民快人等不即設法擒拏奸生怠
玩恣都察院使出榜曉諭多人知道今後但係強盜該
諸人及四隣擒拏如無力擒拏者許指實首告拏問
若賊衆勢亮情犯真實其非應捕人員為首下手拏
獲的官旗軍校舍人匠人俱照宣德十年例民人照成化
十六年例陞賞為從并首官的各賞鈔二千貫仍給犯人

財產應捕人員兵部查奏定奪陞賞其同為強盜部
有能自首與免本罪若能捉獲同盜之人首官者一体
給賞窩家不受與強盜同罪四隣及該地方應捕人
員知情放縱及受財致脫者俱依律治罪其竊盜亦
許四隣諸人擒拏首告得實者賞鈔二千貫有能自
首改過者亦免本罪及有等饒死充軍人犯逃來在京
在外潛住為盜為非無籍之徒在街行兇撒潑傷人掠
財者許四隣并該地方火甲巡捕人等拏送法司原犯死
罪者仍照原問死罪處決其餘從重懲治若容情不
拏等事發一体治罪京城內外更鋪照旧不分官員獲
校將軍勇士廚役匠作軍民之家都要輪流坐鋪不許
假以差占賣緣奏請豁免其巡城御史并錦衣衛官督
同該兵馬司嚴加點閱巡警在外着巡按御史查勘今
年九月以來前項被盜地方是何守備巡捕官員具名奏
未處治以後務要各加嚴謹巡捕不許視常怠忽違丁
的不分內外者治罪不饒欽此